



**SURAT EDARAN PENTADBIRAN
BILANGAN 8 TAHUN 2023**

**PEMBERIAN BANTUAN KHAS KEWANGAN
AIDILFITRI TAHUN 2023
DI UNIVERSITI TEKNIKAL MALAYSIA MELAKA**

Pejabat Pendaftar

13 April 2023 | 22 Ramadan 1444H

Disalinkan kepada:

Naib Canselor

Timbalan Naib Canselor (Akademik dan Antarabangsa)

Timbalan Naib Canselor (Penyelidikan dan Inovasi)

Timbalan Naib Canselor (Hal Ehwal Pelajar dan Alumni)

Pegawai-Pegawai Kanan

YDP Majlis Perwakilan Pelajar

UNIVERSITI TEKNIKAL MALAYSIA MELAKA

UTEM100-1/3/3 (41)

13 APRIL 2023
22 RAMADAN 1444H

SURAT EDARAN PENTADBIRAN BIL. 8/2023

PEMBERIAN BANTUAN KHAS KEWANGAN AIDILFITRI TAHUN 2023 DI UNIVERSITI TEKNIKAL MALAYSIA MELAKA

1.0 TUJUAN

Surat Edaran Pentadbiran ini bertujuan untuk memaklumkan kepada pengetahuan semua staf Universiti Teknikal Malaysia Melaka (UTeM) mengenai pemakaian dengan pindaan Surat Edaran Jabatan Perkhidmatan Awam No. Rujukan JPA.800-3/2/4 (24) bertarikh 23 Mac 2023 (Bantuan Khas Kewangan Aidilfitri Tahun 2023) di Universiti Teknikal Malaysia Melaka.

2.0 LATAR BELAKANG

- 2.1 Melalui Surat Edaran Jabatan Perkhidmatan Awam No. Rujukan JPA.800-3/2/4 (24) bertarikh 23 Mac 2023, YAB Perdana Menteri melalui pembentangan Belanjawan 2023 telah mengumumkan bayaran Bantuan Khas Kewangan Aidilfitri (BKKA) Tahun 2023 dibayar sebanyak **RM700.00 kepada pegawai Perkhidmatan Awam Kumpulan Pengurusan dan Profesional serta Kumpulan Pelaksana Gred 56 dan ke bawah** termasuk pegawai/kakitangan lantikan kontrak. Di samping itu, BKKA Tahun 2023 ini turut dipanjangkan kepada **pesara Kerajaan** (pesara berpencen, penerima pencen terbitan, pesara Skim Kumpulan Wang Simpanan Pekerja (KWSP), veteran berpencen serta veteran tidak berpencen) dengan bayaran sebanyak **RM350.00**.
- 2.2 Universiti melalui keputusan Mesyuarat Lembaga Pengarah Universiti Bilangan 2 Tahun 2023 yang bertarikh pada 30 Mac 2023 telah bersetuju untuk menerima pakai dengan pindaan keputusan Kerajaan ini untuk dilaksanakan di UTeM tertakluk kepada syarat-syarat yang dinyatakan.

- 2.3 Universiti juga melalui keputusan Lembaga Pengarah Universiti secara edaran bertarikh 13 April 2023 telah bersetuju agar tarikh pembayaran BKKA Tahun 2023 dan emolumen staf UTeM dibayar pada 14 April 2023.

3.0 PELAKSANAAN

Selaras dengan keputusan tersebut, kaedah pelaksanaan pembayaran BKKA Tahun 2023 di UTeM adalah seperti berikut:-

- 3.1 Bayaran **LAYAK** diberikan kepada:

- (i) staf Kumpulan Pengurusan dan Profesional serta Kumpulan Pelaksana Gred 56¹ dan ke bawah yang **masih berkhidmat pada 14 April 2023**;
- (ii) staf Kumpulan Pengurusan dan Profesional serta Kumpulan Pelaksana yang layak tersebut merupakan:
 - a. staf lantikan tetap, sementara dan *Contract of Service*(COS)²;
 - b. staf yang bercuti bergaji penuh;
 - c. staf yang bercuti separuh gaji;
 - d. staf yang bercuti tanpa gaji; dan
 - e. staf yang dipinjamkan termasuk ke agensi yang diasingkan pengurusan saraannya. BKKA Tahun 2023 ini akan dibayar oleh agensi yang menerima peminjaman staf.

- 3.2 Pembayaran ini turut dipanjangkan kepada Pekerja Sambilan Harian (PSH) yang masih berkhidmat pada 14 April 2023 dan telah dilantik sebelum 14 April 2023.

- 3.3 Bagi pesara Kerajaan yang sedang menerima pensen termasuk penerima pensen terbitan di bawah undang-undang pensen serta pesara KWSP yang bersara daripada perkhidmatan awam apabila mencapai opsyen umur persaraan paksa (55/56/58/60 tahun) atau bersara Atas Sebab Kesihatan (ASK) pada atau sebelum 14 April 2023 akan dibayar sebanyak RM350.00 oleh Jabatan Perkhidmatan Awam (JPA) manakala veteran berpencen dan tidak berpencen oleh Jabatan Hal Ehwal Veteran (JHEV);

¹ Staf di Gred 56 atau setara. Tidak termasuk pegawai yang sedang memegang di Gred Utama/Khas.

²Bagi staf di bawah *Contract for Service*, surat edaran berasingan akan dikeluarkan oleh Kementerian Kewangan.

- 3.4 Pesara (rujuk para 3.3) dan veteran yang dilantik semula secara lantikan tetap, sementara serta COS dan masih berkhidmat pada 14 April 2023 layak dibayar sebanyak RM700.00. Pembayaran sebanyak RM350.00 akan dibuat oleh JPA/JHEV dan bakinya sebanyak RM350.00 akan dibayar oleh jabatan di mana staf sedang berkhidmat;
- 3.5 Staf yang meninggal dunia pada 14 April 2023 layak diberi BKKA Tahun 2023 sebanyak RM700.00;
- 3.6 Bayaran **TIDAK LAYAK** diberikan kepada:
- (i) staf dalam Kumpulan Pengurusan Tertinggi dan setaraf termasuk staf yang memangku, dipinjam/ tukar sementara dan penempatan khas ke Gred Jawatan Utama/ Gred Khas;
 - (ii) staf yang dikenakan hukuman tatatertib buang kerja atau turun pangkat dalam tempoh 1 Januari 2023 hingga 14 April 2023;
 - (iii) staf yang ditamatkan perkhidmatan demi kepentingan awam dalam tempoh 1 Januari 2023 hingga 14 April 2023;
 - (iv) staf yang meletak jawatan dalam tempoh 1 Januari 2023 hingga 14 April 2023; dan
 - (v) staf berpencen yang melepaskan hak pencen kerana menyertai Badan Berkanun Yang Diasingkan Saraan (BBDS).
- 3.7 Staf yang **ditahan kerja, digantung kerja atau surat pertuduhan** telah dikeluarkan oleh Jawatankuasa Tatatertib Universiti **akan ditangguhkan pemberian BKKA Tahun 2023** ini. Staf hanya layak diberi BKKA Tahun 2023 setelah dibebaskan daripada pertuduhan tatatertib atau dikenakan hukuman selain buang kerja atau diturunkan pangkat oleh Jawatankuasa Tatatertib Universiti; dan
- 3.8 Staf yang **sedang ditangguhkan bayaran emolumen kerana Tidak Hadir Bertugas Tanpa Kebenaran** juga akan ditangguhkan bayaran BKKA Tahun 2023. Staf hanya layak dibayar BKKA Tahun 2023 apabila hadir kembali

bertugas dan tertakluk kepada pengesahan Pejabat Penasihat Undang-Undang mengenai pembebasan staf daripada pertuduhan tatatertib atau dikenakan hukuman selain buang kerja atau diturunkan pangkat oleh Jawatankuasa Tatatertib yang berkenaan.

4.0 TARIKH PEMBAYARAN

BKKA Tahun 2023 ini akan dibayar pada **14 April 2023**.

5.0 TARIKH KUAT KUASA

Surat Edaran Pentadbiran ini berkuat kuasa mulai tarikh ia dikeluarkan.

Sekian, terima kasih.

“MALAYSIA MADANI”

“BERKHIDMAT UNTUK NEGARA”

“KOMPETENSI TERAS KEGEMILANGAN”

Saya yang menjalankan amanah,



MASDZARIF BIN MAHAT

Ketua Pegawai Operasi

Universiti Teknikal Malaysia Melaka